

87

31. maí

Sjóðurinn gefur út minningarspjöld og leggst fé það, sem kemur inn fyrir þau, við höfuðstólinn, ásamt öðru fé, er sjóðnum kann að áskotnast á annan hátt.

4. gr.

5. gr.

Höfuðstóll sjóðsins ávaxtast í jarðræktarbréfum eða öðrum verðbréfum, er kunna að koma í þeirra stað.

6. gr.

Tilgangur sjóðsins er að verðlauna stúlkur fyrir námfýsi og góða hegðun við húsmæðraskólann á Hallormsstað eða, ef hann leggst niður, við annan austfirzkan sams konar skóla.

7. gr.

Þegar höfuðstóllinn er orðinn 1000 — eitt þúsund — krónur, koma $\frac{2}{3}$ hlutar vaxtanna til útborgunar, en $\frac{1}{3}$ leggst við höfuðstólinn. Þegar höfuðstóllinn er orðinn 20000 kr. kemur $\frac{3}{4}$ vaxtanna til útborgunar, en $\frac{1}{4}$ leggst við höfuðstólinn, og þegar höfuðstóllinn er orðinn 50000 kr. borgast $\frac{4}{5}$ hlutar vaxta út, en $\frac{1}{5}$ leggst við höfuðstólinn, og þegar höfuðstóllinn er orðinn 100000 kr. borgast út $\frac{9}{10}$, en $\frac{1}{10}$ leggst við höfuðstól, og skal það síðan haldast. Vöxtunum skal úthlutað á fæðingardegi Þórdísar Guttormsdóttur ár hvert, 18. marz.

8. gr.

Sjóðnum stjórnar forstöðukona húsmæðraskólans á Hallormsstað, en verðlaunum skal úthlutað eftir samþykkt kennarafundar.

Ef húsmæðraskólinn á Hallormsstað leggst niður og enginn annar skóli er starfandi fyrir konur í Austfirðingafjórðungi, stýrir stjórn Búnaðarsambands Austurlands eða sú stofnun, sem kemur í þess stað, sjóðnum, samkvæmt þessari skipulagsskrá og ráðstafar vöxtum sjóðsins.

Ársreikningur sjóðsins skal birtur í ársskýrslu skólans og B-deild Stjórnartíðindanna.

9. gr.

Leita skal staðfestingar ríkisstjóra á skipulagsskrá þessari.

88

7. júní

Staðfesting ríkisstjóra á skipulagsskrá fyrir „Minningarsjóð Halldórs Briem bókavarðar og frú Susie Briem konu hans“, útgefin á venjulegan hátt ad mandatum af dómsmálaráðherra 7. júní 1944.

Skipulagsskráin er þannig:

SKIPULAGSSKRÁ

fyrir Minningarsjóð Halldórs Briem bókavarðar og frú Susie Briem konu hans.

1. gr.

Sjóðurinn heitir Minningarsjóður Halldórs Briem bókavarðar og frú Susie Briem konu hans og er hann stofnaður til minningar um þau hjón (Halldór Eggertsson sýslumanns Briem, f. 5. sept. 1852, stúd. 1871, cand. theol. 24. ágúst 1875, prestvígður í Vesturheimi 31. ágúst 1880, kennari Möðruvallaskólans 28. júlí 1882, bókavörður í Landsbókasafni 26. sept. 1908, samdi ýmsar kennslubækur, dáinn

29. júní 1929, og Susie Briem konu hans, f. 28. marz 1861, gift 30. sept. 1880, dain 88
29. des. 1937, dóttir Williams Stuarts Taylor, húsagerðarmeistara í Argyle). 7. júní

2. gr.

Stofnfé sjóðsins er framlag sonar þeirra hjóna og nokkurra vina, kr. 3300.00 — þrjú þúsund og þrjú hundruð krónur —.

3. gr.

Tilgangur sjóðsins er að skreyta dvalarstofur í barnspítala í Reykjavík með fögrum myndum eða vel gerðum munum, leikföngur og kennslutækjum, er glæði fegurðarsmekk barnanna, eða gefa hollar bækur eða aðrar gagnlegar gjafir þeim börnum spítalans, sem eru jafnöldrum sínum til fyrirmyndar um fagra háttsemi og siðprýði.

Þegar sjóðurinn vex, svo að fært þyki, má og verja útborguðum vaxtahluta til annars þess, er börnunum má að gagni koma að dómi sjóðstjórnarinnar.

4. gr.

Höfustól sjóðsins skal ávaxta í Söfnunarsjóði Íslands. Þar til væntanlegur spítali tekur til starfa, skulu allir vextir leggjast við höfuðstólinn, síðan einn þriðji hluti ársvaxta. Eftirstöðvar vaxtanna greiðist sjóðstjórninni, til þess að hún verji þeim samkvæmt tilgangi sjóðsins.

5. gr.

Stjórn sjóðsins skipa þrír menn: yfirhjúkrunarkona spítalans, formaður barnaverndarráðs Íslands og formaður barnavinafélagsins Sumargjöf. Stjórnin skiptir sjálf með sér verkum.

Svo framarlega að einhver af framangreindum aðilum telur sér ekki fært að taka sæti í stjórn sjóðsins, skal maður í hans stað skipaður af kennslumálaráðuneytinu.

6. gr.

Reikningsár sjóðsins er almanaksárið. Skal reikningur árlega sendur kennslumálaráðuneytinu.

7. gr.

Leita skal staðfestingar ríkisstjóra á skipulagsskrá þessari.

Reykjavík, 20. maí 1944.

Sigurður H. Briem. Ingibjörg E. Eyfells.

SAMÞYKKT

um fjárskipti á svæðinu milli Jökulsár á Fjöllum og Skjálfandafljóts, norðan við Gæsafjallagirðingu og Reykdælahrepp, samkv. lögum nr. 88 9. júlí 1941.

89

9. júní

1. gr.

Svæði það, sem samþykkt þessi nær til, eru allir hreppar milli Jökulsár á Fjöllum og Skjálfandafljóts, norðan Gæsafjallagirðingar og Reykdælahrepps, þ. e. Kelduneshreppur, að undanskilinni jörðinni Bakka, Tjörneshreppur, Húsavíkurreppur, Reykjahreppur og Aðaldælahreppur.